

**Broj** : 01-196 /13  
**Dana** : 18.03.2013 godine

**SKUPŠTINA KANTONA SARAJEVO**  
**predsjedavajuća Skupštine**

**PREDMET: Poslanička inicijativa Fazlija Nedžad, odgovor, d o s t a v l j a s e;-**

Poslanik Fazlija Nedžad je na 23. Radnoj sjednici Skupštine Kantona Sarajevo, održanoj dana 30.01.2013 godine, u okviru tačke Dnevnog reda “Poslanička pitanja, inicijative i odgovori”, pokrenuo je poslaničku inicijativu, te istu dostavio u pisanoj formi.

**Poslanička inicijativa:**

„Pokrećem inicijativu da se u Ministarstvu unutrašnjih poslova izdvoje sredstva za dodatno postavljanje kamera na našim raskrsnicama.

Razlog je sve učestalije bahato, drsko i namjerno prolaženje kroz crveno svjetlo nesavjesnih vozača.“

**Odgovor na poslaničku inicijativu:**

Odsjek za video nadzor Jedinice za saobraćaj MUP-a KS raspolaže sa 4 stacionirana uređaja, od kojih se tri koriste za kontrolu brzine kretanja vozila i kontrolu poštivanja svjetlosne saobraćajne signalizacije, a četvrti samo za kontrolu brzine kretanja motornog vozila na autocesti, dionica Jošanica-Podlugovo. Pomenuta tri radara raspoređuju se na tri od sedam mogućih lokacija na kojima su izgrađena kućišta za instaliranje stacioniranih radarskih sistema. Pored navedenih stacioniranih radara, Jedinica za saobraćaj raspolaže sa još 4 mobilna uređaja – radara za kontrolu brzine sa fotoreistracijom zabilježenih prekršaja koji se obrađuju u Odsjeku za video nadzor. Jedinica za saobraćaj raspolaže sa 12 kamera videonadzora instaliranih na 9 raskrsnica u gradu.

U vezi sa pokrenutom poslaničkom inicijativom za nabavku i dodatnim postavljanjem kamera, koje bi se mogle postaviti u postojećim kućištima ili eventualno na drugim lokalitetima u gradu ili ulazima u grad gdje bi se izgradila nova kućišta za stacionirane radare za kontrolu brzine kretanja vozila i kontrolu poštivanja svjetlosne saobraćajne signalizacije, neophodno je predvidjeti, zbog povećanog obima posla na obradi prekršaja, i druge materijalno tehničke prepostavke, kao što je kancelarijski prostor, veći broj službenika, nabavka računarske opreme s odgovarajućim programima za rad i slično. Potrebno bi bilo

izraditi elaborat koji bi dao jasnu sliku o postojećim i dodatnim uređajima za kontrolu brzine kretanja vozila i kontrolu poštivanja svjetlosne saobraćajne signalizacije.

Nadležne organizacione jedinice su dostavile procjenu broja kamera u smislu njihovog prioritetnog postavljanja na određene raskrsnice sa aspekta svog djelokruga rada i to:

-Prva policijska uprava (općina Centar i općina Stari Grad): raskrsnica ulica Hiseta – Hamza Hume – most Skenderija, raskrsnica ulica Obala Kulina Bana – Čobanija – Kulovića, raskrsnica Obala Kulina Bana – Ćumurija, raskrsnica Obala Kulina Bana – Carev most, raskrsnica ulica M.M. Bašeskije – Sagrdije;

-Druga policijska uprava (općina Novo Sarajevo): smatra se da bi bilo potrebno pokriti sve raskrsnice video nadzorom na području općine Novo Sarajevo, a prioritet su raskrsnice Čengić Vila, Malta i Socijalno;

-Treća policijska uprava (općina Novi Grad): nije iskazala potrebu za kamerama;

-Četvrta policijska uprava (općina Iličići, Hadžići i Trnovo): raskrsnica ulica Hadželi i Andelka Lažetića (Napomena: Policijska stanica Iličići uz saradnju i podršku općine Iličići, pokrenula je projekat instaliranja video-nadzornih kamera na raskrsnicama i mjestima gdje najčešće dolazi do vršenja krivičnih djela i prekršaja, a realizacija navedenog projekta ovisi o finasiranju od strane općine Iličići);

-Peta policijska uprava (općina Vogošća i općina Ilijaš): raskrsnica magistralni put M-18 i ul. Kobilja Glava, raskrsnica ulica Igmanška i Akifa Efendije Biserovića, raskrsnica ulica Igmanška i Spasoja Blagovčanina;

-Sektor uniformisane policije: neophodno bi bilo pokriti sa kamerama za video nadzor sve raskrsnice na glavnim saobraćajnim pravcima u gradu koje nisu već pokrivene sa kamerama

S poštovanjem,

**MINISTAR**

**Dipl. pravnik Nermin Pećanac**